

## فيديو # ٨٦٢ من مقاطع حظر التجول تدبر سورة الأنبياء # ٧

### الآية ٨٤-٢٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم متين تسعه وستين. من مقاطع حظر التجول. والمقطع رقم سبعة من مقاطع آآ تدبر سورة الانبياء تدبرنا امبارح الآية واحد واربعين اقرأ معى الآية واحد واربعين - [00:00:07](#)

افتتح معى سورة الانبياء الآية واحد واربعين اعوذ بالله السميع العليم من الشيطان الرجيم ولقد استهزأ برسل من قبلك فحق بالذين سخروا منهم ما كانوا به يستهزئون وقلنا ان المستهزئين بالرسل وكانوا بيسخروا وبيستهزئوا بعذاب الله - [00:00:33](#)

ويقولوا هو ربنا هينزل العذاب امتي وكانوا بيسخروا منه؟ حاق بهم نزل بهم نفس العذاب ده اللي كانوا بيسخروا به بس السؤال بقى ايه اللي كان بيظمنهم قوي كده ويخليلهم مش خايفين من ربنا. ايه اللي يخليل انسان يسمع العذاب وما يخافش برضو - [00:01:01](#)

اقرأ بقى اتنين واربعين. اقرأ الآية اتنين واربعين قل من يكلاكم بالليل والنهار من الرحمن بل هم عن ذكر ربهم معرضون قل يا محمد قل لهم يا محمد من يكلؤكم؟ - [00:01:19](#)

يعنى من الذي يحفظكم من عذاب الله في كل الاوقات؟ قل من يكلاكم بالليل والنهار يعني كل الاوقات. لكن قال الليل والنهار ليه وقدم الليل قال الليل والنهار عشان يقدم الليل. ليه؟ لأن الليل هو الوقت اللي فيه المخاوف - [00:01:41](#)

الناس عادة بتحب بيقى في حراسة بالليل بالزات وهم نايمين قل من يكلاكم بالليل والنهار من الرحمن لو قرر ربنا انه ينزل عليكم عزابه. مين اللي هيقدر يحميكم منه والحقيقة انا توقفت كثير جدا النهاردة قدام اسم الرحمن في الآية دي - [00:02:05](#)

ليه ربنا اختار اسم الرحمن؟ مع ان انا كنت اتوقع في الآية دي يختار اسم اخر زي مسلا القوي شديد العقاب الطول المنتقم يكلؤكم بالليل والنهار من الرحمن مش غريبة شوية اختيار اسم الرحمن - [00:02:31](#)

ما لقتش حد اتكلم فيها كثير لكن الحفظ والحراسة اصلا ربنا هو اللي بيقدمهم للناس رحمة منهم فاذا قرر اللي بيحفظ الناس ويحرسهم ويحميهم ان هو اللي يعاقبهم رغم رحمته الواسعة ان كان هو اللي بيحميهم لابد انهم تعدوا كل الحدود في الزلم بتاعتهم وفي كفرهم - [00:02:54](#)

انتم بقى آآ فاختيار اسم الرحمن الحقيقة هو فيه اشارة لعظم الذنب بتاعتهم. ده انت خلية الرحمن نفسه يعزبكم انتم آآ يعني اكيد استنفذوا بقى كل فرص الرحمة. عشان الرحمن بنفسه هو اللي يعذبهم. طيب - [00:03:27](#)

تاني اقرأ معى اتنين واربعين. قل من يكلاكم بالليل والنهار من الرحمن بل هم عن ذكر ربهم معرضون. مين اللي هيحميهم من العذاب الاستفهام هنا غرضه التوبيخ مين اللي هيحفزكم بالليل او بالنهار من الرحمن؟ طبعا لا احد. طبعا لا احد. فالاستفهام ده مش عشان ناخذ معلومات منه من - [00:03:49](#)

اجابة ونعرف مين اللي ما فيش حد يحميهم اصلا بل هم عن ذكر ربهم معرضون. ما فيش حد يحميهم لأنهم معرضين عن ذكر ربهم. ذكر ربنا هو هو اللي بيحمي الانسان. هو اللي بيحفظ الانسان. طالما الانسان تخل عن ذكر الله فقد تخل عن الحماية والحق. تخل عن المناعة - [00:04:17](#)

تخل عن المناعة بتاعته. اقرأ بقى ثلاثة واربعين معى ام لهم الة تمنعهم من دوننا لا يستطيعون نصر انفسهم ولا هم منا يصحبون ولا هم عندهم الة تمنعهم من دوننا. تمنعهم يعني تحميهم مننا. المنع المنعة يقول لك هؤلاء قوم ذوي منعة. هذا رجل عنده منعة -

يعني عنده آآ قوة تمنع عنه اي ايذاء يعني هم ولا عندهم الية غيرنا تحميهم من الاذى ولا حاجة ولو عندهم الة تانية  
00:05:11 لا يستطيعون نصر انفسهم -

الالية بتاعتهم دي ما تقدرش تدمع حتى نفسها. ده احنا شفنا سيدنا ابراهيم راح كسرها ما قدرتش تحمي نفسها ولا هم منا يصحبون.  
00:05:32 ولا هي على اتصال بربنا اصلا الالهة دي. هم اصلا الكفار بيعبدوا الاصنام ليه -

واللي عبدوا الجماعة خزانة لما عبدت الملائكة عبدوا الملائكة ليه عشان يقربوهم من الله ففي سورة الزمر ربنا بيقول ان الكفار على  
00:05:48 لسان الكفار الكفار بيقولوا ما نعبدهم الا ليقربونا الى الله زلفى -

فرربنا قال ان هم ما لهمش صحبة اصلا ولا هم منا يصحبون. مين دول اللي هيربوکوا من ربنا اقرا اربعة واربعين بل متعنا هؤلاء  
00:06:09 وابائهم حتى طال عليهم العمر افلا يرون انا نأتي الارض ننقصها من اطرافها -

افهم الغالبون يعني ايه اللي حملهم على الاعراض اللي خلاهم يعرضوا عن الوحي وعن ذكر الله وعن الایمان هو الاغترار انهم  
00:06:35 اغتروا اغتروا زي ما احنا بنقول في مصر. اغتروا بطول المهمة -

يعني لقوا ان يعني اعمارهم بتطول في الغفلة فيفضلوا غافلين بيفضلوا كفار مدد طولية البنى ادم بيكبر في الكفر فيبني عهد  
00:06:59 الله ويهمل شكر النعمة. بل بص الاية تاني. بل متعنا -

هؤلاء وابائهم حتى طال عليهم العمر. مش انا قلت لكم امبارح طول الامل في زيادة العمر هو سبب الاغترار بالنفس اللي بيخلي  
00:07:20 الانسان يتترك اوامر ربنا ويتجروا على المعااصي انه دايما عنده شعور انه عايش لسه قدامه كتير مش ممكن اموت دلوقتي -  
 الاغرب حاجة يا جماعة في الموت انه اكتر حاجة احنا متأكدين منها هتحصل لكل الناس. ما فيش حد مش عارف ان هو هيموت. صح  
00:07:44 واكتر حاجة بنتعامل معها كل يوم -

حتى الجنال فيه صفحة الوفيات. ما فيش فيه صفحة المواليد. صفحة الوفيات. بنتعامل كل يوم مع لكن دايما بنسبعده عن نفسها  
 احنا دايما كل واحد مات ما كانش عارف انه هيموت. يعني يعني طبعا غير طبعا لو واحد داخل في مرض وعارف ان هو خلاص يعني.  
00:07:55 لكن في ناس كتير جدا من من اللي بتموت -

فجأة بتعمل حوادس يجي لها الكورونا وتموت في زرف اسبوع او عشر تيام بيقى بيخطط لثلاثين اربعين سنة قدام مش عامل. بل  
00:08:18 متعنا هؤلاء وادائهم حتى قال عليهم العمر كمل الاية بقى -

افلا يرون انا نأتي الارض ننقصها من اطرافها افهم الغالبون. الارض هنا ممكن تكون معناها مساحة الدولة اللي بيسقطوا عليها او  
00:08:37 الارض اللي مسيطرین عليها فرعون في صورة غافر لو تفتقروا قال ايه -  
 قال للملأ اني اخاف عن موسى اني اخاف ان يبدل دينكم او ان يظهر في الارض الفساد. الارض هنا يقصد بها مصر يقصد بها الدولة  
 بتاعته يعني مساحة الارض الواقعه تحت سيطرته. فربنا بيخاطب كفار قريش هنا بيقول لهم ايه؟ افلا يرون -  
00:09:02 ان نأتي الارض ننقصها من اطرافها هم مش شايفين المساحة المسيطرین عليها. عمالة تناكل وتقل ومساحة سيطرة محمد صلى الله  
 عليه وسلم وسلطته بتزيد كل يوم افلا يرون انا نأتي الارض ننقصها من اطرافها افهم الغالبون؟ هم برضه اللي هيغلبوا وينتصروا  
00:09:21 يقول المعترض -

يعني ايه بقى؟ يعني هفترض ان فيه حد بيعرض على كلامنا دلوقتي وكتب العلم الكاتب لما بيكتب كتاب علمي بيالف اعترافات  
 ويتخيل اعترافات الخصوم على الكلام بتاعه. حتى لو ما حدش اعترض عليها على فكرة. فيقول ايه؟ ويقول -  
00:09:48

المعترض كذا فنقول كذا. وادا قالوا كذا نقول كذا. وكتير جدا من الشبهات اللي بتشار حول الاسلام من اعداء الاسلام هم مش جايبيتها  
 من ده هم جايبيتها من كتب علماء المسلمين لما بيقول ويقول المعترض كذا فلنرد عليه كذا. هم يقول معترض دي ويطلع يعمل نفسه  
00:10:07 بقى ان يعني يجهز -

ودي ان اكتشف حاجة في الاسلام. كل ده من عندنا احنا من كتبنا احنا اصلا اللي بنكتب هزا الكلام ونرد عليكم ده احنا هفترض ان

في اعتراض. الاعتراض بيقول اي ارض اللي مسيطر عليها محمد صلى الله عليه وسلم دى - 00:10:27

وقت نزول الصورة ده ده كان في مكة وقبل الهجرة لا كان في ارض تحت سيطرة المسلمين ولا يحزنون نقول له ايه لفظ نأٌي الارض  
نقصها من اطرافها جه مرتين في القرآن - 00:10:40

مرة في الرعد ودي مدنية تيجوا قلت لكم الرعد مدنية. وفيه خلاف عليه لكن هي مدنية والايٌة بتقول في الرعد. اولم يروا انا نأٌي  
الارض نقصها من اطرافها. يعني هم مش شايفين اللي بيحصل قدامهم قدام - 00:10:58

عينيهم دلوقتي اهو ها ان ده بدأ يحصل بالفعل وبدأ الكفر يخسر ارض لصالح المؤمنين. وبدأت القبائل تدخل في الاسلام وبدأ ناس  
كثير وهكذا والمرة الثانية في الانبياء وهي مكية بس هي افلا يرون مش او لم يروا مش خلاص حصل - 00:11:16

افلا يرون انا نأٌي الارض نقصها من اطرافها قبل الهجرة. الكلام ده فهنا بتقولهم مش شايفين اللي حصل الامم السابقة  
وان سنة الله في الدعوات ان الانبياء بتقوى شوكتهم بعد مدة وبينتصرورا زي ما حصل معبني اسرائيل - 00:11:36

اللي حصل مع سيدنا موسى اللي حصل مع في كثيٌر من الانبياء بنى اسرائيل لغاية ما بقى لهم دولة كبيرة فيبقى معنى الاٌيٌة بشكل عام  
ايه بقى هم مش شايفين انهم بيفقدوا ارض كل يوم بموت الكباء. والقادة وباسلامهم - 00:11:58

وانضم لهم للمؤمنين عمر بن الخطاب انضم لقافلة الائمان سنة خمسة بعد نزول القرآن. خمسة يعني سبعة قبل الهجرة وقبله بتلات  
تيم حمزة بن عبدالمطلب وعثمان بن عفان من الاٌوائل وعبدالرحمن بن عوف الملياردير من الاٌوائل وابو بكر الصديق من الاٌوائل كلها  
00:12:18

كبيرة وفي مجال التجارة وفي مجال القوة. هم مش شايفينهم بيخسرو ارض كل شوية فهم الغالبون بعد كل ده خمسة واربعين قل  
انما انذركم بالوحى ولا يسمع الصم الدعاء اذا ما ينذرون - 00:12:39

الايٌة اربعة واربعين اللي قبلها قلنا انها بتوجه نزد الكفار لما سيحدث وهو انهم بيخسرو وهيخسرو اراضيهم المسلمين المضطهددين  
لان النصر بتاع المسلمين بدأ ارهاصاته تزهُر في اسلام بعض الاسماء الكبيرة اسناء الفترة المكية وفي - 00:13:00

التاريخ اللي بيقول ان المؤمنين في النهاية كانوا بتقوى شوكتهم وشوكه النبي اللي ارسل وبينتصر على المشركين بس ممكن واحد  
يقول برضه يعني محمد متأكد او اي ازا كان مش بيعرف الغيط - 00:13:20

اذا متأكد او اي كده من الانتصار الاسلام على اي اساس عارف؟ اقرأ خمسة واربعين. قل انما انذركم بالوحى. محمد مش بينجي  
محمد جايب الكلام ده مش من عنده جايب الكلام ده من الوحى. ربنا اوحي اليه - 00:13:36

انكم متتصرين وان الارض بتاعة الكفار هتفضل تصغر وتقل وارض الاسلام هي اللي هتكبر قل انما انذركم بالوحى ولا يسمع الصم  
الدعاء اذا ما ينظرون يعني ايٌة الدعاء هنا مش يعني الصلاة والدعاء اللي بندعوه ربنا كده. لا - 00:13:54

قال لك من حقوق المسلم على المسلم ان تلبي دعوته يعني اذا دعاك تلبيه. يعني ايٌة؟ يعني لما اقول لك يا فلان قل له نعم. ترد عليه  
لما يناديوك ده اسمه الدعاء بيدعوه يقول لك ايٌة - 00:14:19

لما انده على حد ده اسمه دعاء. خلاص؟ لاني بادعوه هو يدعى احمد. صح آآ فاقرا معى بقى آآ ولا يسمع الدعاء اذا ما ينذرون. الصم  
هنا كتيبة عن عدم - 00:14:36

سماع ولو بالاصل يعني واحد قاصد انه ما يسمعش قاصد ان هو يسد ودانه ويحط حواجز بينه وبين الوحى لانه مش عايز يسمع  
الوحى ولا يسمع الصم الدعاء اذا ما ينذرون. الكفار بيتعتمدوا عدم سماع الكلام اللي موجه لهم. بس شوفوا الدعاء. ايٌة كلام - 00:14:55

ده اسمه دعاء اما بدعوه ادعوه حد لحاجة اسمها دعاء. فيتعتمدوا ما يسمعوش الكلام ده لما بيعرفوا ان هو انذار من الله وكثير جدا من  
اعداء الاسلام يخشوا معنا في نقاشات - 00:15:17

وتقعد تجادله ويجادلك وقت تيجي ايات الترهيب اللي بتخوف و بتتذر بيقى مش عاوز يسمعها. ويقاطعك ويستكتك ويقول لك انت  
كده منفر. انت كده بتنفرني طب ما انت كنت قاعد وبتسمع و بتناقش الكلام كله. اشمعنى الاٌيٌة دي بتاعة الانذار اللي بتزعجك او

مش دي مش مؤمن بها. المفروض تسمعها وتضحك يعني - 00:15:32

بتزوجه جدا. ولا يسمع الصم الدعاء اذا ما ينذرون. لو فيه انذار. فيه قراءة تانية بقى هنا هي الامام ابن عامر الدمشقي ولا تسمعوا الصم الدعاء مش ولا يسمع له. ولا تسمع انت يا محمد ولا تسمع - 00:15:56

مش الصم لأن الصم بقوا مفعول به الآية بقراءة الجمهور ولا يسمع الصم. الصم هنا فاعل ما بيسمعوش الدعاء اذا ما ينذرون. قراءة ابن عامر قراءة جميلة جدا بتقول له وانت يا محمد مش هتقدر تسمعهم - 00:16:20

الدعاء اذا ما ينذرون لما نجمع القراءتين دول مع بعض المعنى بقى الكامل ايه الكفار اللي بيسموا اذانهم بنفسهم عن سماع الحق. عشان مش عايزين يسمعوا. مش هيسمعوا يا محمد - 00:16:40

انت طبعا عاوز تسمعهم عشان عندك عاطفة ايمانية يا محمد. برضو مش هتقدر تسمعهم حاجة ده المعنى الاجمالي شفتم جمال القراءات والثراء اللي بتعطيه للمعنى. اول كلمة قالها لي الله يرحمه الدكتور عباس المصري رحمة الله عليه. انا والشيخ عماد عفت كنا قاعدين - 00:16:58

مع ثلاثة اربعة طلاب تانيين وقاعدين بنسمعهم بمكان كنا بنروح له من خمسة وعشرين سنة نقرأ عليه بالقراءات قال معنى القرآن يا ابني انت وهو اللي انت عارفه لحد دلوقتي ده. ده معنى القرآن برواية حفص فقط - 00:17:17

لو عاوز تفهم القرآن كله بمعناه الاجمالي بيقى تدرس القراءات وتجمع معانيها كلها. مش معنى كده ان كل واحد دارس القراءات فاهم هم بيدرسوا آآ احنا كنا بندرس ازاى اقرا - 00:17:35

لكن المعنى ده محتاج تدبر ومحاج آآ قراءة في التفاسير. عشان كده التفاسير اللي انا دليتكم عليها ميزتها انها بتحترم القراءات وبتاخذ في اعتبارها القراءات فانا عشان كده بنصح بتفسير التحرير والتنوير الطاهر بن عاشور وانصح بتفسير الالوسي ايضا - 00:17:49

دول احسن تفسيرين لأنهم بيأخذوا في اعتبارهم القراءات طب في واحد تاني ممكن يقول لي ايه بس ده كده معناه ان دراسة القرآن مش بسيطة وانت ليه متوقع ان دراسة كلام ربنا هتبقى حاجة بسيطة. ليه - 00:18:08

انت هتفضل طول عمرك تدرس كلام ربنا وبرضو مش هتوصل للعلم اللي فيه كله بس ربنا بيقول ولو ان ما في الارض من شجرة لو كل الشجرة اللي في الارض اقلام لكل الشجر عبارة عن اقلام - 00:18:20

والبحر يمده من يده سبعة ابحار. والماء اللي موجودة في المحيط دي كلها فوقها فيه سبع محيطات تانيين كلهم مقلوبين حبر وكل الشجر ده اقلام. ما نفدت كلمات الله ان الله عزيز حكيم. كلمات الله هنا - 00:18:37

دي مش الواحة دي اشارة لعلم الله الوحي اللي احنا لو قعدنا طول عمرنا ندرسنه ده مش هنقدر نستوعبه بكل علومه هو جزء صغير جدا كمان مقارنة بعلم الله. ايه رأيكم بقى - 00:19:01

اووى تكون فاكر ان علم الله كله اللي هو القرآن لا ده حته صغيرة قوي من علم ربنا يفوتها لنا تنزلها لنا ايه رأيكم بقى؟ اقرا معي ستة واربعين - 00:19:21

ولئن مستهم نفحة من عذاب ربك ليقولن يا ويلنا انا كنا ظالمين النفحة هي الجزء الصغير. يقول لك خد لك النفحة دي يديك عشرين جنيه او خد النفحة دي حط لك شوية حلويات كده في ايدك. فالنفحة بتبقى جزء صغير من حاجة اكبر - 00:19:33

طب ربنا بيقول ولئن مستهم نفحة من عذاب ربك. شوية عذاب صغيرين كده هم الناس دي اللي كانوا بيقولوا في الآية تمانية وتلاته متي هذا الوعد ان كنتم صادقين وبيسههزأوا بالوعد وبيسخروا بعذاب ربنا - 00:19:54

دلوتي بعد شوية عذاب صغيرين هيقولوا ايه بقى؟ كمل ستة واربعين ولان مستهم نفحة من عذاب ربك ليقولن يا يا ويلنا انا كنا ظالمين. هيقدعوا يولولوا. يولولوا. يا ويلنا انا كنا ظالمين - 00:20:13

اهي دي اللولة هيعرفوا بظلمهم بقى. انا كنا ظالمين. دلوتي اعترفت انكم ظالمين. هم الطيارة سبعة واربعين ونضع الموازين القسط ليوم القيمة فلا تظلم نفس شيئا وان كان مثقال حبة من خردل اتينا بها وكفى بنا حاسبين - 00:20:31

ونضع الموازين القسط ليوم القيمة. الموازين التي ستوزن بها الاعمال ستكون موازين عادلة في بقى ناس كتير بيظنوا ان الموازين  
دي عبارة عن موازين فعلية عبارة عن ميزان كبير له كفتين - 00:21:01

بنتوزن فيه الاعمال وبنتوزن فيه النعم الاعمال هتوزن ابتسامتك في وجه اخيك عمل صالح هتوزن. هنوزن الابتسامة ازاي الكذب  
عمل حرم سيوزن. طب هنوزن الكذب ازاي نعمة البصر ستوزن. طب نعمة البصر ستوزن ازاي ؟ نعمة الذكاء هتوزن هتوزن ازاي -  
00:21:19

فلما رينا يتكلم عن موازين ستوضع واعمال توضع في كفة ونعم توضع في كفة اخرى. دي كلها. انا على هذا الرأي انها امثلة لتقرير  
الامر الى الذهن البشري. حتى يفهم الانسان معنى العدل. ان رينا - 00:21:50

سيحاكم الناس بالعدل فالحمد لله رب العالمين. كافتين ويقف قدام بعض كده اه تمام كده. يبقى رينا هيحسنتنا بالعدل  
القسط هنا هو مسألة متروكة بالكامل لله سبحانه وتعالى - 00:22:10

انا على هذا الرأي واعلم ان هناك اراء اخرى ما حدش يروح يقول لك التفاسير بتقول ما انا عارف تفسير التفسير فيه حاجات كتير.  
خلاص ؟ لكن انا على معنى ان هنا الموازين هذه - 00:22:24

هي مثال لتقرير الامر للزهن البشري اقرا معي بقى ونضع الموازين القسط ليوم القيمة فلا تظلم النفس. ولا نفس واحدة ستظلم ولا  
فلا تظلم نفس شيئاً ولا شيء واحد هيفوت. ومش ممكنا حاجة ما تتحبسش ابداً كله محسوب - 00:22:34

لدرجة ايه ؟ كمل وان كان مثقال حبة من خردل. حبة المستردة دي حبة حبة طعام صغيرة جداً هتاخذ ثواب اكلتها لحد معروف اكل  
كم حبة رز هتاخذ سواب كل حبة فيهم. ما فيش حاجة هتتظلم اكلا فيها - 00:23:00

وان كان مثقال حبة من خردل اتينا بها وكفى بنا حاسبين مليارات الناس ستوزن اعمالها وستوزن النعم اللي بها. مليارات احنا النهاردة  
تمانية مليار بني ادم دلوقتي. شف بقى العهود السابقة كلها لغاية ادم. والعهود - 00:23:19  
كلها لغاية يوم القيمة مليارات مئات المليارات يمكن من الناس الاف المليارات الله اعلم هتوزن اعمالهم والنعم اللي يتمتعوا بها يعني  
تريليون تريليون تريليونز من النعم وتريليونات تريليونات تريليونات تريليونات تريليونات من الاعمال الصالحة. وكل ده هيتوزن - 00:23:41

لكل فرد على حدة ازاي ما هو رينا قال وكلهم اتيه يوم القيمة فرداً. طب ازاي وكفى بنا حاسبين ما تسائلش ربكم اللي هيحاسب. اللي  
رزق كل دول دفعه واحدة هيحاسبهم برضو دفعه واحدة. وبدقه - 00:24:07

وبدون زلم اطلاقاً بيتهياً لي كده كفاية النهاردة. نتوقف ولا النهاردة ان شاء الله اللهم انا نسألك حبك وحب من يحبك وحب كل عمل  
يقرينا الى حبك اللهم ما رزقتننا ما نحب فاجعله قوة لنا فيما تحب - 00:24:31

وما زويت عنا مما نحب فاجعله فراغاً لنا فيما تحب اللهم اجعل حبك احب اليها من اهلينا واموالنا ومن الماء البارد على الظماً اللهم  
حبني اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك - 00:24:53

وانبيائك ورسلك وعبادك الصالحين اللهم احي قلوبنا بحبك واجعلنا لك كما تحب اللهم اجعلنا حبك بكل قلوبنا. ونرضيك بكل  
احساننا. اللهم اجعل حبنا كله لك سعينا كله في مرضاتك. اللهم اجعل القرآن الكريم ربيع قلوبنا. نور صدورنا وجلاء احزاننا -  
00:25:15

وذهابه همومنا وغمومنا ومغفرة ذنبينا. اسأل الله العلي العظيم ان يجعل هذا التدبر في ميزان حسناتي وحسناتكم جميعاً اللهم بحق  
كل حرف في كتابك تلوناه او تدبرناه اكفنا واهلينا شر كل من يكيد له - 00:25:46

واحفظنا من شرورهم ونجعلك اللهم في نحورهم فانت الوكيل ولا حول ولا قوة الا بك. اللهم انك تعلم ان هذه القلوب قد اجتمعوا  
على كتابك وعلى محبتك. والتقت يا رينا - 00:26:10

لا طاعتك وتوحدت على دعوتك. وتعاهدت على نصرة شريعتك. فوثق اللهم رابطتها. وادم ودها واهدها سبلاها واملاها بنورك الذي لا  
يغيب. واشرح صدورها بفيض الايمان بك وجميل التوكل عليك واحييها يا ربنا بمعرفتك. وامتها على الشهادة في سبيلك - 00:26:31

انك نعم المولى ونعم النصير. والسلام عليكم ورحمة الله وبركاته - 00:27:02